

Ilinniarnertuunngorniartarneq pillugu Inatsisartut inatsisissaattut nr. xx af xx 2011, siunnersuut.

(Iliniartitaanermut, Iisimatusarnermut Nunanullu Avannarlernut suleqateqarnermut Naalakkersuisoq)

Akissummut allakkiaq

Aappassaaneerneqarnera

Naalakkersuisut Inatsisartut Kultureqarnermut, Iliniartitaanermut, Iisimatusarnermut Ilageeqarnermullu Ataatsimiititaliaat siunnersuutip peqqissaartumik suliarineqarsimaneranut aamma aappassaaneernissaanut isumaliutissiissuummut qutsavigaat.

Naalakkersuisut naammagisimaarinnillutik paasivaat, siunnersuutip akuersissutigineqarnissaa akuersaaraat.

Ataatsimiititaliap isumaliutissiissummi isumaliutissiissutip oqaasertaanut immikkut ittuni ilanngussisimapput. Oqaaseqaatit taakku Naalakkersuisunit tusaatissatut aalajangersakkanullu pineqartunut isumaqataanertik ersersillugu.

Ataatsimiititaliaataaq tikkuarpaa ilinniarnertuunngorniartarneq taamaatiinnartartut annikillissarnissaat qanoq pingaaruteqartigisoq, ilinniartitaanermit siunnersorneqarnerata salliutinneqarnissaa, ilinniartitsisoqatigiinnik aallartitsinerup sammineqarnerunissaa ilinniartunullu pisariaqartitsisunut 'ilaquttanik' tunuliaqutaasinnaasunik attatsiinnarnissaq. Ilanngullugu ataatsimiititaliamit tikkuarneqarpoq ilinniartitsinermit atortunik nutaanik pilersitsinissaq eqqumaffigineqartariaqartoq, ilinniarnertuunngorniartarneq aaqjissuusseqqinnermut nutaamut tulluarsakkanik. Naalakkersuisut tamakku tamaasa isumaqataaffigaat, aammalu tamanna siunnersuummi aamma piviusunngortitsinissani iliusissaqarniarluni iliuuseqarnissami aallartitsiniarnissami. Nassuiaatit taakku siunnersuutip aningaasatigut kingunissaani siunnersuummut oqaaseqaatini nalinginnaasuni atuarneqarsinnaapput.

Ilanngullugu ataatsimiititaliap taavaa siunnersuutip piviusunngortinnissaanut aningaasatigut kingunissaat siunnersuummut oqaaseqaatini nalinginnaasuni eqqartorneqarsimannimmata, ataatsimiititaliallu takusinnaanagu 2012-imi inatsimmi aningaasat immikkoortinneqartut inatsisip piviusunngortinnissaanut matussusiisinnanersut. Tassuuna atatillugu taaneqassaaq 2012-imut aningaasaqarnermut inatsimmut ilinniarnertuunngorniartarneq allanngortinnissaanut allannguutissanik siunnersuuteqarsimammata. Taakku siunnersuutit tassaapput siunnersuutip oqaaseqaataani aningaasartuutissatut naatsorsuutigeriikkat.

Naalakkersuisut Aningaasaqarnermut ataatsimiititaliamut akissuteqarnerminni paasinninnermik oqaatigisaat ataatsimiititaliap eqqortumik paasisimagaa Naalakkersuisut nalunaarutigissavaat.

Taaku oqaaseqaatigalugit Naalackersuisut inassutigissavaat siunnersuut taamatut
isikkoqartillugu pingajussaaneerseqassasoq.